

## Yeshua, Esun Ungi di Israel i Juda; Su Aliansa!!!

**Yeshua: e Lei, e Enseñansa di Dios Tata!!!.**

**Moisés** a bisa: '**SEÑOR Dios** lo lanta un **Profeta** pa **boso**, manera ami, for di **boso rumannan**; na **djE boso mester skucha den tur kos ku E ta bisa boso**. (**Deuteronomio 18:15**). I lo sosodé **ku tur alma ku no skucha na e Profeta ei lo wòrdu destruí kompletamente** for di meimei **di e pueblo**." I di e mesun manera **tur e Profetanan** ku a papia, **desde Samuel** i esnan ku a sigui, tambe a anunsiá e dlanan aki. Ta **boso ta e yunan di e Profetanan i di e Aliansa ku Dios** a sera ku **boso tatanan**, bisando **Abraham**: 'I **den bo simia tur e famianan di mundu lo wòrdu Bendishoná**.' Pa **boso, na promé lugá, Dios a Lanta Su Yu** i a **mand'E pa Bendishoná boso** dor di hasi kada un di boso bira for di **su inikidatnan**." (**Echonan 3:22-26**).

**Yeshua: e Lei, e Enseñansa di Dios Tata!!!.**

**Yeshua** a wòrdu **despresiá** i **bandoná pa hende**, un **hòmber di tristesa**, ku konosé **sufrimentu**; i manera **un persona ku hende ta skonde** kara p'é, **Yeshua** a wòrdu **despresiá**, i **nos no tabatin Apresio pa Yeshua**. Siguramente **Yeshua mes a karga nos enfermedatnan**, i **Yeshua a karga nos tristesa**; tòg **nos mes a konsidera Yeshua gòlpiá, sutá pa Dios, i afligí**. Ma **Yeshua a wòrdu traspasá pa nos transgreshonnan, Yeshua a wòrdu gòlpiá pa nos inikidatnan**; e **kastigu ku a trese Pas pa nos tabata riba Yeshua**, i pa medio di **Su heridanan nos ta kurá**. Nos tur a **kana dwal** manera **karné**, kada un a kohe su mes kaminda; ma **SEÑOR** a hasi e **inikidat di nos tur baha riba Yeshua**. **Yeshua tabata oprimí i Yeshua tabata afligí**, tòg **Yeshua no a habri Su boka**; manera **un lamchi** ku ta wòrdu hibá **pa mata**, i manera **un karné** ta ketu dilanti di **su peladónan**, asina **Yeshua** no a habri **Su boka**. Pa medio di **opreshon** i **huisio** nan a bai **ku Yeshua**. I pa loko ta **Su generashon**: ta ken a konsiderá **ku Yeshua a wòrdu kòrta kitá for di e tera di e bibunan**, pa e **transgreshon di mi pueblo** ku tabata **meresé e gòlpi?** Nan a disponé **ku Su graf** lo ta huntú **ku e malbadonan**, i **Yeshua** tabata huntú **ku e rikunan den Su morto**, ounke **ku Yeshua no a kometé violensia nunca**, ni **mentira no a wòrdu hañá den Su boka**. Ma tabata e **Boluntat di SEÑOR pa herid'E; El a hasi E sufri**. Si **Yeshua a entregá Su mes komo un Ofrenda pa kulpa**, **Yeshua** lo mira **Su desendientenan**, **Yeshua** lo tin **Bida largu**; i e **Boluntat di SEÑOR lo Prosperá den Su man**. Komo resultado di e **angustia di Su alma**, **E** lo mira esaki i lo keda **satisfecho**; dor di **Su konosementu Esun Hustu, Mi Sirbidó**, lo **hustifiká hopi hende**, pasobra **Yeshua** lo karga **nan inikidatnan**. Pesei **lo Mi duna E un porshon huntú ku e Poderosonan**, i **Yeshua** lo parti e **botín** ku e **fuertenan**; pasobra **Yeshua a drama Su Bida te na morto**, i a wòrdu kontá huntú ku e **transgresornan**; i **Yeshua mes a karga e piká di hopi hende**, i a **intersedé pa e transgresornan**. (**Isaias 53:3-12**).

Awor aki den **2020 Israel i Juda Su Aliansa** ta **ku e Dios di Pas, Yeshua, Esun Ungi** ku tabata i **Ta un Hebreo, un Israelita, un Hudiu**. E **Mesias** ku hinter **mundu** ta wardando riba **dje ta un Hebreo, un Israelita, un Hudiu i Su Nòmber ta Yeshua HaMaschiach!!!**

**29 mart 2020**

**Sea Bendishoná ku e Amor di Dios Tata; Yeshua Mesias  
Un Fiel Sirbidó di Dios,  
Remsly L Riley.**